

四庫全書

集部

欽定四庫全書

集部

天台續集別編卷五

詳校官中書臣張姪成

助教臣常循覆勘

總校官進士臣繆琪

校對官中書臣范鑒

謄錄監生臣劉晉

欽定四庫全書

天台續集別編卷五

宋 林表民 編

蕭振字德起

我本江海人來守仙佛國年豐訟牒稀公事不留積
無一樽酒約客飛太白重念此邦人朝飽不謀夕項遭
兩年荒十九皆菜色城中多饑殍倒死臭燻陌幸茲連
歲豐粒米棄狼籍嬉嬉不營生便爾輕年麥三日天不

雨沙田已龜拆十家九無儲何以度饑厄我為此邦憂
夜眠不安席願天歲歲豐願爾痛儉嗇一年三年儲三
年九年食堯湯雖在上豐歉豈可測

寄題楊元光新築黃巖縣治清畏軒

孫覲字仲益

楊公相大歷獨擅德爵尊清渭貧涇濁寸膠定河渾高
名冠朝倫流風被仍昆悠然向千載凜凜尚目存官閑
擁黃紬卧聽衙集喧蕭蕭鳬鶩行重精不到門蝗虎不

待驅聞風自驚犇所貴知我希已及魚與豚

送修書記遊天台

李鶴

字仲鎮號懶窩

塵事日敗人筋力隨以勞三年梁溪上俯仰如枯槔窮
菴躬水菽杜門匪禪逃修公嵒壑人臭味合我曹閒從
茗盤集有往不待招清芬落淨几宴坐揮霜毫脫畧畦
吟外寂寞期久要春風草離離飛花照方袍朝來遽別
我明月挂一瓢笑指天台雲意氣東南高去去不可挽
獨鶴鳴九臯會看精進力覺性一宿超全提法王法衆

說陣奔濤大千廊沙界體現無絲毫異時藥山偈問道
慙非朝

題北山玉寒堂三首

刻柱上

王卿月

字清叔號醒菴

春光又過九之一十日大都三日晴陰晴要是不須問
日日為春來一行

客來清話固所欲遇酒草酌庸何傷是非有耳不願聽
乞我半日心清涼

松成不見種松人借爾相陪見在身歲月暗銷松暗老

馬知此地不荆榛

謁二徐先生墓

朱熹

字元晦

道學傳千古東甌說二徐門清一壺水家富五車書但喜青檀在何憂白屋居我懷人已遠揮淚表邱墟

題蒼嶺

陳公輔

行到山危僕已痛此身強健不須扶回頭指顧重岡險得似人心險也無

肄業廣慈院臨別留一絕

來時膏雨迷新野去日薰風吹舊林寄語主人休惜別
白雲南北本無心

題慈雲院雙松亭

晁公為

字子莫
台州守

雲間龍蹠千尋幹地底雷奔萬仞泉寄語廬山舊遊客
箇中端不減接賢

劉阮洞

桃花開已繁溪水濺濺去不見持盃人自歎來何暮

題石橋二首

王十朋

字龜齡
忠文公

天台未到已先知入眼端如入夢時僧喚我為嚴首坐
前身曾寫此橋碑

路隔仙凡信已通天台容我踏長虹情知方廣神遊久
不在登臨杖屨中

題瑞巖大澤塘

錢端禮

字處和號松窓

塵纓久欲濯滄浪今日來遊大澤塘水似我心心似水
更無一事可商量

留題授上人曲肱齋

架屋中山最上頭
曲肱打睡百無憂
雲容獻狀留殘雨
海月橫陳有去舟
閑裏琴書緣好客
向來鐘鼓不驚鷗
會將一滴曹溪水
洗盡胸中萬斛愁

汪澈

字明遠
號莊敏公

一室安巾鉢頽然了性空
曲肱忘世夢行脚本家風
山靜人稀到窓開意不窮
我來頻假寐樂亦在其中

蔡向

莫笑此齋小曲肱
聊度年玉樓容十二
世界納三千亦

可羅尊俎何妨散簡編戲余留歲月墻遠不能前人入

昔有

維摩方丈欲題歲月行數百步終不能及
墻紹興己巳二月淨空居士蔡向瞻明

巾山曉望

岳甫

字大用

角逐東來幾巨鼈化為奠位兩山高江楓作意紅千疊
野水何心綠一遭露洗檣顛沈曉籟霜明天際察秋毫
會須竹院求餘地歲晚安閑讀楚騷

登巾山

游九言

字誠之

環走層岡馬脫鞬兩峯平地玉頎頎南臨灘島金鼈湧

東望叢祠白鶴飛日出市聲朝霧散雲沈海氣暮潮歸
居塵却立塵埃表徙倚天風振客衣

橫溪堂春曉二首

虞似良

字仲房號橫谿

一把新秧趁手青輕煙漠漠雨冥冥東風染盡三千項
白鶯飛來無處停

田塍常滿雨常餘綠遍溪南我獨無珍重天公不遺物
也分餘潤到菖蒲

天台圖示芝草二本生於縣圃二年皆生臨海送

雙蓮華雙蓮子成二小詩

張昌

字師言

已見金芝發秀華妙蓮仍喜對雙葩未論祥瑞誇三異
且慶豐穰及萬家

煌煌朱草連年秀的的丹葉並蒂香聖世自然多慶瑞
海邦聊亦効珍祥

題東湖二首

有碑在堂壁上

張翹

解愠薰風拂面涼藕花極目送清香三千宮女青羅蓋
都作酡顏酒暈妝

蜀錦誰將到海涯
水仙銷作地行衣
回堤却似元宵路
拋擲紅燈載月歸

題南峯藍光軒

劉光

百尺擎空窄堵波
羣峰奈此獨高何
鼓鐘鳴處是非外
天地望中蒼翠多
閑看野雲披玉柱
醉眠秋浪捲銀河
問師乞取窓前月
一榻清風許我麼

題摘星嶺

左緯

已知星可摘
須信路皆通
日影穿雲薄
天形入水空遙

看梁苑雪獨揖楚臺風指點中華地山河萬國雄

題正等院竹軒

山色重重鎖碧蘿更栽脩竹在山阿老僧不識春頭面
但見階前新筍多

題靈龜潭

求仲弓

江湖雖闊多留網幽澗清虛且勉旃待我功成買雙鶴
歸來伴汝一千年

題蛇首巖

巘如蛇首隱林端未得風雷且蟄蟠俗眼莫嫌無變化
待生頭角始堪觀

贈赤城兒先生二首

陸游

字務觀號放翁

羽衣暫脫著戎衣坐定方驚語入微歸隱玉霄應不出
他年容我叩巘扉

我坐虛名剩得窮百年身墮畏途中看君一樞煙波樂
悔不常為采藥翁

送鹿伯可致仕歸天台兼簡致政龍學給事吳明

可丈

周必大

字子充
文忠公

懸車七十古來稀况是丁年解鞅鞬神武衣冠弘景挂
都門供帳仲翁歸前銜新命俱郎宿處士儒官摠少微

李尋傳少微四星主處士儒學之官今以祕閣休官故云林下若逢龍閣老為言台

嶺轉光輝

同前

王 晓

字浚明

握蘭肯受二毛侵高節須知映古今煙閣雲臺辭帝闕
風裘雪帽返家林殿廷不待新鳴玉里舍聊揮舊賜金

猿鶴不須驚與怨道人軒冕本無心

聞伯可郎中銳然有冥鴻之舉小詩奉慶

吳 蒂

字明可
康肅公

郎省聲猷藹搢紳看看步武到通津合留北闕扶宸極
却向西溪整釣綸愧我暮年方謝事羨君壯歲便抽身
時賢莫把衰翁比林下如君只一人

黃巖縣樓

鄭伯熊

字景望

飛甍聳峩嶧萬井交錯綜俯仰各有則靜以御羣動平

時心匠微斤斧袖不用少施見其餘規畫已驚衆姬公
昔營洛道德作梁棟東家有餘材鳳輿無復夢帝方議
明堂行矣與君共

清畏軒

樹蕙餘百畝藝蘭當路歧清風一披拂香氣無不之納
為楚纍佩辱我幽靚姿小草生澗底雨露無恩私不入
兒女玩歲晚得自持所以古君子清德畏人知

過萬年山望羅漢嶺上大松

蒼髯白甲老煙雲
萬木叢中獨挺身
一柱擎天須此物
孰柯他日屬何人

寄題分繡閣

洪邁

字興伯

新閣何隆隆經營自茲歲其前山送青其下竹交翠景
物日夕佳登臨春秋異治中公事暇領客共流憩四座
歡相酬壽主珍重意向來蓬瀛上視此無乃媿主稱客
意好是事幸且置拄頰飽看山朝來殊爽致

清閟堂

昔聞王子猷借宅亦借竹此君固可喜人亦清不俗伯
氏貧而癯一飯不飽肉誅茆自經始護此無盡綠一官
歲強半餘日如轉燭待其長稚子而已牽歸轂何由坐
堂上償我志願足應煩彼邦人日報平安福

有懷大兄正字

今日思兄弟江東望浙東別離無奈久書札且頻通雨
濕芭蕉碧風乾薜荔紅何時尊酒共夜語小窗中

送同年林多益亟臨海

陳傳良

字君舉

同里衣冠近闊踈同年齒髮多衰變美人宜在玉筍班
隱吏亦隨花雨縣有杭一葦逢迎可每食雙魚甘旨便
顧瞻周道竟何如善為舅謀豈吾願清廟笙鏞濟濟陳
碧梧鸞鵠深深見由來盛事歲月晚誰到脩涂肝膽健
楊花吹水酒搖波一請加餐再無倦

短韻送呂子約丞郡天台

露荷不肯附綠漲石榴自欲當朱明我無一物與君別
持此薦以雙玉瓶榴花結子荷成的定亦扁舟去為客

良集偏於吾輩慳新功或向他山得我韻雖短聲苦長
君不能飲須滿觴申公何在麗澤死又送冥鴻謀稿梁

送台倅趙叔明趨朝

高文虎字炳如

義輪正弭節別駕忽揚鞭游從亦雨暑朋盍知何年欲
叙情縋繢難形得周旋譜系玉為牒輝華珠在淵漢家
子駿才今世德麟賢淳倅丹丘地平分刺史天婉畫邁
前輩陰功培後緣人或得其一君亦幾於全微涼起天
末觸熱趨日邊石橋禮尊者瓊臺訪遺仙高張天姥蓋

穂泛雪溪艤稽山萬塍稻鏡湖千頃蓮行庖擊小鮮觸
境亂鳴蟬應酬圖畫中懷想冕旒前早渡月千里晴飄
風一川清都鬱佳氣絳闕鎖祥煙放朝上閣後投謁巖
廊先諸公競羅致百辟會班聯託契荷傾蓋為僚因贊
員猶憑六六魚寄問我沈綿

題枯蒼洞

蔡向

福地流傳號隱真麻姑曾欵蔡公門白春雲子自堪飽
井溢丹泉便可吞山露五峰疑指爪溪盤百摺想裙痕

我來既躡靈蹤後知是仙家第幾孫

題洪景伯分繡閣

傑閣橫空爽氣收一時勝槩壓巖幽要將繡嶺匿峰色
分入霞城棲月樓雌霓挂欄供彩筆雄風拂面快金甌
才華便合冲霄去應為看雲却少留

題黃巖溪

孫應時

字李和號竹湖

得雨溪聲壯無風雲氣多山花依翠竹灘石亂寒莎樵父谷中出牧兒牛背歌逢人問塵世擾擾意如何

登巾山

陳知柔

司馬胸中著雲夢杜陵眼底蓋乾坤吾哀不復論茲事
飽看孤帆落遠村

天台遊山

煙蘿穿幾重柴車倦驅駕忽尋鐘磬音山腰得僧舍主
僧聞我來曳杖出相迓揖我坐虛閣登臨欠臺榭老屋
數椽餘風物自閑暇古木出雲杪遙岑來竹罅下臨一
泓水涵光冷相射但能了此生未遽慚大廈我本山中

人偶失學圃稼為米聊復留兩同僧過夏得舟家可浮
遇竹宅便借足處皆南山何必東籬下悠悠去忘歸寧
畏長官罵松月苦留客徘徊度清夜明朝過桃溪谿女
莫相詫

次海上長亭村

行到山窮處微茫島嶼青百年多逆旅萬事一長亭風
雨晚潮急魚蝦曉市腥平生誦佳句今見海冥冥

老杜
台州

地閑海
冥冥

宿天台萬年寺

古寺來投宿雲嵒第幾層有詩堪供佛無事且依僧小閣泉喧枕修廊雨暗燈好峰看未足夢繞碧凌嶒

劉阮廟

趙汝愚

當年劉阮意何窮莫謂仙凡事不同解到瓊臺雙闕下遙知道骨與仙風

石橋

法身遍滿三千界影現天台水石間我欲直從心地見

來看石硯聽淙潺

題寒巖寺

丁可

字無可號蟠盧

大塊中間一竅開佛龕僧榻徧巖隈羣峰爭汎立雲出
絕磴祇容幽鳥來蝠穴巧藏人世界鰲山驚現蜃樓臺
重來又與山僧別鐘鼓無情鶴自哀

夜對巾山題客樓

兩峰高並玉瓏鬆絕頂浮圖挿暮空飛雨入簾煙樹暝
半天燈火幻疎紅

題萬安院

孟大武

十年不作此山來依舊青山好在哉聊逐春風驅酒病
却驚身世得愁媒禪床寄枕眠初熟山鬼嫵人夢却回
明日拂衣還出去桃花地上欲成堆

題紫巖寺

即殊勝院

路入溪聲遠秋深樹影稀澗雲藏鳥語松露滴人衣詩
戰蜂腰怯茶分粥面肥勝遊殊未厭宵為夜寒歸

題康濟泉

在靈康廟後

顏度

字魯子

三年官事渾無補一片丹心徹底真更有靈康是知已
新泉為我現津津

國清寺

陳堯佐字希元

南越第一寺偶來心地真却嫌橋下水流去入紅塵

行登新現潭

唐仲友字與正有說齋集

蕎麥花齊晚稻黃今年此地是仙鄉籃輿又作山中去
敬為神龍一瓣香

薄雨輕雲捲翠微豐年何物不熙熙拒霜也効嫣然笑

白白紅紅出短籬

辛丑正月上休日謁靈康廟拜滕公祠賦成七律

一首

蒼山餘雪在雲端五兩搖風減曉寒谷應笙簧成兩部
日涵煙水上三竿相逢戲事留仙傳如在英魂激壯肝
分職幽明均報國願神終賜免空官

題天台福聖觀瀑布

楊 契

字子寬
惠懿公

積雪懸崖照幽谷轟雷破石響空山直疑天上銀河水

倒寫千巖萬壑間

有刻石

同丁致遠司戶游東掖山

李庚

字子長

不見詩人老鄭虔誰知衣鉢此中傳尚餘傑閣驚人句

更結今秋未了緣

丁相約今秋再游光明閣

與君共飽桑門飯愧我曾非蓮社人若問生公講堂事

青山門外自橫陳

天台道中

謝深甫

字子肅惠正公

溪繞青山路繞溪山長溪曲路高低晴灘淺濕舟如盪

危磴稜層石作梯晚照荒村飛鳥入秋風落木敗蟬嘶
碧雲四合長天暮轉使鄉闕望眼迷

送桑澤卿歸天台

李 焦字孟連

野鶴昂然不可羈伴行雙屐一叩支屈公蕭寺三旬客
益我空囊幾卷詩亂帙檢殘燒燭夜淺杯流向落花時
春光只戀西湖好不念台山老桂枝

同謝子肅諸公飲巾山岳上人房

李龜朋字才翁

石磴行崎曲緣雲入翠微山寒驚歲晚渚綠認春歸絕境為誰設清歡如此稀軒窗生夜氣簷角有星飛

寄丹丘林詠道

用林和
清韻

桑世昌

字澤卿

小別俄驚歲屢周尺書每每寄江頭逢時共歎君肥遯投老誰憐我倦遊書足三冬應潤屋詩成千首必輕侯一尊縱負東湖約尚及黃花碧樹秋

夜對巾山塔燈呈史君李孟達寺簿

光明臺畔舊曾逢何自飛來碧海東未問眼根齊寺級

要先心地證圓通八還究竟千光合四面回旋一視同
坐想玉霄風月夕超然清對一詩翁

山居二首寄朝中故舊

謝直

字古民

苒苒年華漸向西可能回脚下塗泥靜收營慮還書卷
少有工夫入菜畦潔甚水蒲邊白鳥翩然風柳下黃鸝
猶嫌宿處聞雞犬更待移深過虎蹊

造化涵洪靡不容近分一谷著愚公地因沙漲偏宜竹
山為巒多却礙松夜靜圖書添曉睡臘寒薪火抵春風

獨慚道學工夫淺却比先師不屢空

登般若臺

在嘉祐院

趙彥齡

字壽卿

撥置文書強作閑佩壺聊得共躋攀歸雲不識遊人意
遮盡江南一帶山

題巾山

一夜空山聞杜鵑落花流水兩茫然憑闌不覺春歸去
目極平蕪綠際天

題南峰精舍藍光軒

一溪帶郭靜潺湲寺在溪旁碧岫巔塔影遠連空翠陽
鐘聲高入蔚藍天竹房僧定侵窗月沙步人稀滿樹煙
剛被名韁挽歸去久居應作地行仙

劉阮祠

林仰

深樹冥冥一徑風溪流應與十洲通仙家日月無人識
只愛桃花二月紅

赴官武康投宿客邸作

巾子山頭一枕風皇華亭下水連空山靈不用回俗駕

儻有田園吾欲東

昨暮侍玉霄亭坐新月初上涼風疊至配以丹荔

白醑景物具美賦詩呈知府文 素復一字太初

夜涼時到此亭中舞袂掀髯幾許同竹葉舊曾浮大白
絳囊新喜擘輕紅若為遽舍風千疊未若能留月一弓
只尺玉峯應好在欲招鸞馭下空濛

謹用高韻

張昌

誰馳一騎致筠籠正撥新醅賞宴同雲母漿成傾釅白

水精丸冷破香紅涼颸時滅煩襟火文會休彎舞袖弓
月落更深忍歸去隔林霏霧已濛濛

題嘉祐院東軒

林師戩字詠道號竹邨

到處已無花可吹東風猶自舞殘枝山僧只解關門睡
春去春來總不知

熊守子復左史刻九朝宸翰寘于台學賦詩記之
皇天祐宋寶歷昌列聖功德高虞唐萬機餘暇不自逸
銀鈞鐵畫揮天章洋洋謨訓揭日月留心庶事寧少忘

當時賜予皆賢傑至今緹襲為珍藏丹邱史君武夷仙
快凌紫清登玉堂親從芸閣獲墨本寶如金玉留巾箱
承明獻直暫出守邦人盡喜來龔黃公餘鈴齋靜無事
祖宗盛烈思發敷編摩允屬大手筆白玉鏤牒陳膠庠
要令衿佩覩盛事端拜伏讀思激昂明如星斗麗霄漢
奎躔壁宿紛光芒翻如和氣結雲霧氤氳融液為嘉祥
龍蛇委蛇欲飛舉鸞鳳宛轉爭翹翔晉唐數君無出右
王顏諸子難比方史君一旦出奇祕豈與劉洎爭升床

亟聆飛詔下丹闕指日入覲登明光雲龍風虎慶會遇
股肱元首歌明良邦人頌戴自今始為公紀德龜趺旁

送王孟同館黃巖見王簡卿侍郎

陳譙字益之

吾子勇出鄉賣文供啜菽誰指石頭路路滑去能速大
溪拍天流返壑僅盈掬神化闢功能善世眩兼獨寶瑟
迹已陳伐闋在林麓飽盡天下眼觀我亦具足尚論宇
宙廣落處即為福請子房魏倀點入丹青錄

送趙紫芝遊天台

葉適

寒退糊碑閣春留種藥城
幽居自可樂暫出豈無名綜
水接藍聚帽山翦繡迎文殊
扣野衲癡語為誰清

遊天台赤城山

蘊常

字不輕

拄藜扶我過橋東便覺晴嵐翠掃空紫府百年藏玉簡
丹峴千丈挹仙風釋籤書到新羅國荆溪尊者作釋籤
在此後流入新羅
卧佛巖連舊梵宮寺故基與卧佛巖相接今移山下三里
稽首導師悲願

在我寧辛苦守詩窮

自新昌入天台

鄭伯英

字景元
歸愚翁

升高無過胡孫擂行險勝於老鼠梯何事將身來試此
要參大士石橋西

石橋煎茶

白髮青衫故倦游何人能辦釣鰲鈎却逢大士開青眼
現出茶花五百甌

次韻胡少淪題梁王山蟠松詩

劉次臯

字允叔

長松上梢日月宮昂霄聳壑材甚雄不肖甘心卧雲巘

有時見夢十八公汗顏血指那知大匠自有體斬伐丁
丁朝夕聒人幽耳聾豈如吾鄉華頂一峯八萬四千丈
下蟠夭夭矯矯奇奇怪怪之蒼松樛枝半壓魯隱九年
之大雪雅韻曾和虞氏五絃之薰風八千靈椿三千桃
實幾番見何況離下黃菊花頭赤葉楓蕭梁劫火燒不
死坐閑五季鹿走天下人亡弓山中野人常獲銅弩世
牙金矢鏃劔戟之屬
人欲識吾家所擾真龍種請看春雷發蟄霧滴矞雲從
礪砲蹙縮輪囷擁腫可挫不可辱堅剛正獨盤薄偃蹇

受命不受封無用之用不器之器振古成自晚天台道
人何苦汲汲圖象寄涪翁搜腸鏤腎狀出怪松贊反言
挺而茂者肥瘠貴得中浩翁陸魯望有吁嗟九原相如
天台怪松圖贊不可作飄飄詞賦誰摩穹閬風逸民自愧才力薄北斗
以南惟有四朝之老農

遊石橋二絕

宋之瑞

字伯嘉號樵隱

石梁橫亘不知春閎盡憧憧幾許人正使更無蒸餅礙
可能前路絕荆榛

應緣心在已心空方廣那知只此中金爵茗花時現滅
不妨遊戲小神通

黃 箕字子耕
台州守

橫石圓峰豈偶然上懸雙瀑下澄淵我來不為橋難過
待了區中未盡緣

人道靈瓜有護持蜿蜒果見着青枝一時耳目窮何盡
萬事由來不可知

題法安院

道 全字大同

半生夢想到山宮此日殷勤興莫窮寺在煙霞空翠裏
人遊水墨畫圖中青松夾道曉雲合黃葉滿山秋露濃
滿眼新詩酬未盡再來寧媿錦囊空

題集福院

徐 拗

字晉臣
仙居令

松谿竹塢密藏村行盡杉陰始到門一鳥不啼春有思
千山都綠曉無痕自慚俗吏塵埃久來伴禪僧語笑溫
餅水鑪香三十載閑人此地幾朝昏

題石藤二夫人廟

楊筠

古藤陰鎖石粼粼死骨猶香廟像新世上男兒輕失節
何顏祠下拜夫人

題紫籜寺

王 戱

竹山絕頂古招提境異相將竺國齊靈鷲雄吞台嶽小
瑞峰高壓斗牛低雲深石怪宜猿隱水靜林幽樂鳥啼
見說當年封紫籜只因丹鳳此中棲

送謝開之

廓然

陳 相

翩翩旌旆蔽長川滿目秋光重黯然老淚何曾向人落

離愁聊復為君先赤城舊欲謀三窟白首還容受一廛
歲晚田家足還往隻雞斗酒得周旋

送陳伯宏歸天台

讀定卷詩集句

安丙

字子文

平生江湖興欲住元無由一朝忽復來飄然泛扁舟相
將東南去子獨從之遊傾蓋荷相與瑣掌頻勸酬危坐
每長歎經營出奇謀浩然天地間憤氣衝斗牛追陪丈
字飲酣歌大開喉與君結深交交明情欲周會合元有
時妄意追陶劉每恨不久住共此敝馬裘西風彫梧桐

忽忽春復秋嗟余客中都中夜懷百憂區區為貧仕坐此徒窮愁我恨各南北公乃遂所求天台亘鴈蕩今為故鄉游忽焉又分襟涼風已颼颼可憐烟水閣坐見羣山幽音書有可寄還解顧我不

經由天台劉阮洞以雨作不及遊

顧士龍

字晉英號蘋隱

松形天橋學飛鸞怪石蒼崖蘚暈團地僻不容人迹到雲深更覺客衣單春歸不見桃千樹月冷空餘水一灘

欲問神仙向何處山風吹雨作朝寒

送王簡卿歸天台二首

姜夔字堯章

迎風吹白髮送客向黃巖在事何為爾如君自非凡城
陰當復會詩卷可頻緘縱別無多久江沙望遠帆

讎書雖不願治粟亦何為夜月同遊處春潮獨往時無
心資造化任運有成虧護冷加餐食幽居且自怡

劉過

字改之號龍洲

欲數人材難倒指有如公者又東歸班行失士國輕重

道路不言心是非載酒青山隨處飲談詩玉塵為誰揮
歸期趁得春風早莫放梅花一片飛

千巒萬壑天台路一日分為兩日程事可語人酬對易
面無慚色去留輕放開筆下閑風月收斂胸中舊甲兵
世事看來忙不得百年到手是功名

同林逢吉過小溪寺二首

王居安

字簡卿

方巖勝處是僊家時有輕雲薄霧遮我欲去時君共去
遡流而上看山花

濃陰閣雨未全收屈指相將禊事修不必山陰尋故地
小溪曲水更清幽

桐柏觀

趙師秀

字紫芝號天樂

山深地忽平縹渺見殊庭瀑近春風濕松多曉日青石
壇遺鶴羽粉壁剥龍形道士王靈寶輕強滿百齡

萬年山

萬年山木已千年石路陰深到繚垣幾片閑雲誰是主
一條流水不知源土栽芍藥尤勝术僧說獮猿極畏猿

夜半空堂諸境寂微聞鐘梵亦成喧

送倪道士之廬山

近方辭地肺本自住天台有鶴相同出無雲作伴回道房隨處借詩板逐時開又說廬山去閑看瀑布來

大慈道中

青苔生滿路人跡至應稀小寺鳴鐘晚深林透日微野花春後發山鳥澗中飛或有相逢者多因采藥歸

巾子山作

城郭輕寒近佛生偶來高頂作山行竹房冷落無僧在
獨倚闌干聽晚鶯

宿國清

殘燈吹了閉禪關風約孤螢落砌閒本為飲茶妨睡早
強尋詩句擬寒山

呈蔣薛二友

中夜清寒入縕袍一杯山茗當香醪禽翻竹葉霜初下
人立梅花月正高無欲自然心似水有營何止事如毛

春來擬約蕭閑伴重上天台看海濤

題巾子山廣軒

陳巖肖

字子象
台州守

屹立雙峰入雲表登臨聊為小遲留四圍山色攬天碧
一曲波光抱郭流身世欲違塵俗態生涯宜與水雲謀
何當占斷層巒頂一室烟霞百慮休

賑荒到天台有作二首

李琪

字夢聞

我亦田夫偶得官深知茅屋有饑寒紛然遮道呻吟狀
一作同胞疾痛觀水際山隈多隱瘼風餐雨宿敢圖安

破襦裹米皆珠玉
粒粒當知帝澤寬

驅馳徒步問民饑似我寒儒負笈時
僵仄荒村隨戶到蕭疎幾屋有煙炊
平林帶暝投山驛蒼鬢衝寒濕雨絲
野老不知巡歷至相逢爾汝話家私

送人之天台

周文璞字晉仙號方泉

半溪松黃堆碧波
狂夫於此欲如何
洞天春晚歸不得
司馬悔橋芳草多

送法照師歸聖水

薛師石字景石號孤廬

論著天台教詩從左緯來閒行訪蓬蓽隨意坐莓苔講
席虛前月從遊約後回仍聞藏禊帖應許為吾開

題崇壽院

孫惟信

字季蕃號花翁

未欲鞭龍上玉京赤城來鍊入霞精松風浩蕩吹秋暑
偶到彌陀寺裏行

巾山

戴復古

字式之號石屏

雙峰直上與天參僧共白雲棲一菴幾度登臨看不足
好山無數滿江南

過龍潭奧

陳耆卿 字壽老

久閑松楸信為因龍奧來四山黃戀葉一水綠澄苔地
曠樵聲出天寒鴈影回無人且無酒清坐興悠哉

上喻史君重建霞起堂六首

陳夢建

字杓直
黃岩令

丈人昔日經行處草暗苔荒四十春誰倚高寒訪陳迹
璇題寶墨一時新

酒酣步出玉霄峰此去天闊隔幾重霞佩韻頑風雨上
清都只在嘿存中

詩社神交識迺翁耳孫凜凜有仙風青雲垂上斜飛去
待要題詩遍浙東

玉泉天上古仙伯曾吏五雲書閣來寄語家人須候我
有時騎鶴過丹臺

樓觀微茫似積蘪一麾得傍化人居可能永日銷暮局
且要蒙頭讀道書

表民曩為天台前集別編而唐賢題賦始粗備棘卿
青社齊侯刊之矣凡皇朝羣公所作雖已見諸續集

然渡江以來及前朝散佚未纂輯者反過之歷年於茲僅克就緒府丞餘不沈侯樂善成嫩並為過工幸遂訖事荆谿公併於赤城集序詳著矣或以為見聞甚淺蒐集尚闕實不殷自恕若見在詩人之詩則力所未逮恐有望好事該洽之士以成之淳祐戊申中秋玉峻林表民書

天台續集別編卷五

欽定四庫全書

天台續集別編卷六

宋林表民編

喜雪一首呈已懋端明使君兼簡德升尚書國佐
侍郎
綦崇禮

憂民太守致精祈愛物天工意不違要及歲元彰瑞應
故先春至作花飛梅藏疎藥餘芬馥山壓羣峰尖翠微
疫癘已消麌麥潤更隨晴色探芳菲

叔厚內翰寵示喜雪詩謹次高韻

胡文修字已懋

吾君憂歲為民祈天報精衷喜莫違盈尺定占京輦應
餘花猶到海邦飛潤流土脈霑濡洽巧着寒梢點綴微
春色欲隨晴色動勸耕農野漸芳菲

叔厚內翰作喜雪詩述已懋使君禱祈之應次韻

奉酬 李擢

豐年直欲為民祈精意潛通豈願違宿靄忽隨香霧合

移空旋見玉塵飛遐觀已得詩情助高會猶嫌酒力微
獻歲發春書上瑞預知和氣徧幽菲

次韻

陳公輔

動天須假至誠祈誠若專時定弗違冬後縱無三白應
春前俄有六花飛著人但覺寒威重擁火猶嫌酒力微
聊為使君歌上瑞麥苗千頃已菲菲

雪晴可喜戲作四韻奉呈

陳公輔

盈尺階前端已多曉來天色漸晴和青陽一氣應回暖

黃竹三章且罷歌小雨洗時嵐滴翠細風吹處沼生波
東郊便好尋芳去桃李爭妍映綺羅

次韻國佐侍郎雪晴一首

綦崇禮

冰著垂櫨滴漸多眼花眩日氣初和功成尺瑞追前賦
喜兆千倉可預歌坐看嫩黃滋柳色遙知新綠漲湖波
閑門積玉渾消盡却有兒童整雀羅

奉陪觀使兩府太尉燕集謹賦長句兼簡坐中諸

公

綦崇禮

遶郭江山四望中一時共寓接羣公戚藩位列三司貴
帥閫班分二府崇華省名卿踵持橐

德升國佐皆任春官

廉車宿

將久繫弓追隨亦有鑾坡客顯賴今先鶴髮翁人事等
闊欣戚異賓筵聊喜笑言同更須結伴春遊去已過催
花幾信風

奉和宮使內翰佳什

郭仲荀

老來乞得奉祠宮退食何妨不自公任使世情分冷燠
無勞品秩論穹崇功名至此休看鏡戰伐于今喜挂弓

梨棗具陳呼稚子笙歌間作樂衰翁芳菲莫負三春賞
聚散難逢一笑同小圃栽培粗倫理頻須把酒殢東風
德升尚書勸已憇尚書酒輒吟長句以代誹諧

暴崇禮

禁掖東西曾並直鑾坡先後亦聯名那知白髮歸田舍
却見朱幡莅海城往事回頭真是夢流年屈指只堪驚
一杯相屬公應悉冷暖難移故舊情

前日蒙叔厚內翰同已憇尚書枉臨俾得款接坐

中叔厚出示佳句次韻致謝

李擢

卜居未就歸來賦抱病多慙吏隱名尚有故人時枉駕
共欣賢守暫專城駕行接武公猶記霜髮侵顛我自驚
重辱新詩論舊好舉觴聊復寄深情

德升尚書置酒邀叔厚內翰與余同會叔厚席間
賦詩道舊復寵示德升妙句俾余同和謹次韻

奉呈

胡文修

履聲曾接中臺武鑾禁陪刊翠琰名二老風流同燕席

一樽談笑會江城
歲寒松柏青無改
酒畔篇章語可驚
辱敘金蘭分贈我
勤拳尤識故人情

竊觀太守內翰尚書佳什因以元韻述懷

郭仲荀

蚤學詩書媿不成慨然投筆就功名
少年征逐臨窮塞
晚歲優游寓赤城
世路炎涼何足校
內翰詩有冷暖之句
宦途寵辱固堪驚
祠庭得請君恩重
退老江山佚性情

觀使太尉俯用拙韻有述懷之作謹賦一篇奉酬

嘉詠

綦崇禮

掌武當朝獨老成運籌分閫猷勲名旌旄載偃瓊臺路
符竹新拋鐵甕城近塞尚虞秋馬健空山底卹曉猿驚
更須重擬平戎去欲贊公休似不情

伏覩三兄文會之樂皆見於詩不肖屏居山間頗
以不獲陪末坐為歎輒繼高韻聊以自敘云爾

洪 欽字成季

老去謾將書作伴平生不喜酒為名倦遊落落忘塵事

清夢時時入化城縱有詩騷渾漫興回看波浪亦堪驚
赤城坐阻陪高會深自憐余不及情

前日草具無以為娛重蒙叔厚貺以佳篇雖已攀

和輒再次韻作一首

李擢

羈栖未悟貧非病嬾放寧求官與名愧乏七言陵老杜
敢論一笑惑陽城愁欺薄酒那能醉夢落故山還復驚
豈是陶翁恨枯槁援豪猶欲賦閑情

次韻二首近聞金人退師遣使講好則太后將歸

以慰聖孝之心天下同慶喜見乎詞

李擢

求閑欲遂歸耕計受任慙叨共理名才薄豈能堪禦侮
地偏猶得免干城喜聞克捷來相繼行見風塵靜不驚
共慶新年迓文母承顏長樂慰皇情

空官媿負難居寵欲退逡巡畏近名茅舍經營連小圃
邦溝幽曠邇南城龍堆偃甲知無恐鷗鳥忘機狎不驚
便好終焉老邱壑餘齡得遂野人情

卷六
再和前韻奉呈

胡文修

綸掖瓊閣曾並直
賢闈芸閣早聞名
追陪每憶同清禁
邂逅開懷在赤城
良會惟知文字飲
高歌應有鬼神驚
相逢一笑真何樂
寄此樽前莫逆情

奉酬已懋尚書再用前韻二首
綦崇禮

紛紛游騎來無定
整整王師動有名
已報元戎摧鶴陣
還聞聘使出龍城
灼知天意民皆悅
怯聽風聲鶴亦驚
就養東朝歸駕近
止戈深見聖人情

鄉邦甲第常牽興王几金甌久記名會秉樞機還魏闕
且栽桃李滿春城郊原氣煖花將發閭里聲和犬不驚
言昨日出城所見
勝日暇時聊共樂未應歸隱猶高情

予與德升尚書招已懇端明叔厚內翰會飲因有
倡和佳篇謾次前韻呈三兄 陳公輔

盛朝多少舊公卿誰似三人負大名金帶並趨清禁路
玉杯同醉白雲城台州城名吾儕出處真成戲俗眼觀瞻祇
自驚便恐各隨封詔去且頻開宴慰交情

永慶閣後觀梅

李擢

淑氣動春律東風度城陰駕言款僧扉幽芳聊獨尋孤
高玉色花含思靚且深來從姑射山寄此旃檀林年年
一相逢沽酒為花斟徘徊那忍去醉墮頭上簪晴日借
之容飛雪未遽侵清游誰與同暗香空滿襟

次韻德升永慶閣後觀梅之什 暝崇禮

託根層石下閟艷重檐陰愛日少回照淑氣潛相尋入
牖暗香上俯闌重鶯深孤絕迥多態繁禮徒滿林恠君

獨吟賞郤酒不為斟應曾共花約遂擬合朋簪雪意殊
未已寒英虞見侵閒花正芬馥相向一披襟

戲和德升賞梅因記十三日梅園之遊發諸兄一

笑

陳公輔

我聞永慶梅孤標寄巖陰衰年苦多病咫尺未暇尋公
心亦似鐵惜花情却深愛此獨株好何必須滿林茲遊
恨莫陪有酒誰與斟因思東郊上瓊蓋滿鬢簪黃昏月
下歸翠袖寒易侵想公見戲語一笑開胸襟

陪內翰尚書文同到官梅亭會有他期先去情見

序辭

謝 伋

歲云暮矣物華催江城風光著野梅東閣詩成將付與
南枝花發許追陪混冰落素應難久姑雪欺春不並米
誰為商量開細細早教玉樹映金杯

次韻奉酬聊致挽留之意

綦崇禮

歸艎少緩不須催更待東城一訪梅鐵石心情猶解賦
芝蘭風味合相陪臘殘絕訝遲遲見春近何妨得得來

清賞未諳君欲去臨邛誰與共銜盃

何遜梅花詩有夕駐臨邛盃之句

次韻奉酬來貺佳句

李擢

出郭忽忽急景催幽尋未徧百株梅巡簷笑詠欣初見
煮茗招要得暫陪清賞正須佳客共繁英方逐上春來
少留待我新醪熟更約東風一舉盃

前日相對啜茶故得借用牧之茶煙

輕颺落花風事

賞梅佳什既不得陪從又莫獲少留深以為恨輒

賡原韻酬叙

孫逸

字仲舉

郡務裝懷日晷催東園未覩一枝梅從容後賞輸先見
汨沒塵勞恨阻陪待雪最宜寒艷坼迎春會有暗香來
悵然歸棹匆匆去徒使臨風憶共盃

再和使君前詩末章聞已再乞宮祠汲居在遠郊
不獲同州人致挽留之詞復用前韻

謝 伋

追鋒未下璽書催鼎味調和欠爾梅太守印章常嬾佩
神仙官府要同陪赤城霞起樓居見紫邇雲深吏引來

台州後山亭子前人名紫邇取守居山亭意也老
杜送賈閣老出守云宮殿青門隔雲山紫邇深
宜羨

蓬萊新日月莫教寓士奉離杯

元夕日承再示梅韻佳作過形褒借輒爾繼和自
茲當絕筆矣

別來無奈歲時催渴想聲猷但指梅六逸溪頭難角逐
七賢林下曷追陪忘懷不覺老將至揣分爭如歸去來
况值元宵增感慨十年耳冷聽傾杯禁漏花
深詞也

將適台州

曾幾

風林何許著驚禽惟有台州舊所臨避地妻孥雖在眼
藏山文字郤關心維揚大將金城固建業名臣天塹深
說與中原諸父老也應南望涕霑襟

寧海五詠

洪擬

七年溪山北頗自愛吾廬人生真寄耳何必賦歸歟

右宗教寓居

客欲談世事詞鋒若戈矛我已夢為蝶咄哉為罿休

右對客隱几

新晴快老讀斜日在遺編吾非求甚解會意即欣然

右晚晴讀書

萬事休杯酒高情誰與論寄語問安者謹勿過吾門

右窓下獨酌

不知月欲落但覺衣生稜夜深誰是伴相對祗孤燈

右書齋夜坐

次韻洪成季寧川即事五首

李擢

高懷厭符竹幽尋寄林廬居鄰無二仲從公定誰歟

右山寺寓居

對面隔九疑
毀言若深矛
誰能知許事
默坐心自休

右對客隱几

鄰書多插架
乳易三絕編
晴窓一棐几
開卷自適然

右晚晴讀書

酒熟聊自適
詩成那可論
豈無共飲客
煩公常閉門

右窓下獨酌

疎簾坐清夜
遙山聳高稜
聊將輕世志
却對讀書燈

右書齋夜坐

上元夜坐再用成季韻戲作五首

邊塵暗鄉縣歸夢迷舊廬殊方今老矣吾道固非歟

右山寺寓居

世豈無士季厭見戟與矛何如從表聖築亭賦休休

右對客隱几

干時乏長策娛老只陳編寧知俯晴日病眸已茫然

右晚晴讀書

一酌復一酌醉著那更論亦有舊雨客春寒不到門

右窓下獨酌

今夕夜何夕書帷怯寒稜兒童自嬉戲供佛喧張燈

右東齋夜坐

次韻成季尚書寧川即事五首 楊崇禮

宣室思前席承明虛直廬不肯入州府公其終隱歟

右山寺寓居

世路機兼穿人情盾復矛客能知許事兀兀一時休

右對客隱几

成功收拾芥舊讀餘斷編時思聖賢對久要故依然

右晚晴讀書

獨飲自成趣世情何用論生平龍坂客誰過雀羅門

右窓下獨酌

當官肯虞謗遇事羞模稜闊來愛清夜默坐對青燈

右東齋夜坐

德升尚書再用前韻見示五絕

塵埃暗宮錦未耜安田廬陳力知不能不止獨何歟

右山寺寓居

邊書猶插羽世用在持矛空言客何務問事其少休

右對客隱几

晴日照窓几閑意娛簡編白首繡鞶悅今吾豈其然

右晚晴讀書

忘憂有妙理細興麌生論相攜醉鄉去醒見月當門

右窓下獨酌

一時盛意氣四海竦風稜我懷非此念兀坐對寒燈

右東齋夜坐

送桑澤卿還天台

王廉清

桃花風起竹輿寒
寒食天晴石路乾
正是東君好春色
不妨詞客駐歸鞍
金聲賦就方騰踏
鐵硯才高尚考槃
如到瓊臺與華頂
為儂試拂舊題看

將去郡席上呈同僚

元絳字厚之

在官七百二十日只為台州不為身民事勤勞心力盡

世途憂畏鬢華新離筵欲醉樽前月美景難留洞口春
他日相逢應更好諸君皆是眼中人

次韻謝景思少卿藥寮

孫覲

連筒自灌黃精圃結轍休推意故車萬壑飛泉春午枕
一蓑帶雨荷春鋤逃名尚有身為累擇利焉知貨可居
笑指吾公門上秀一時零落已邱墟

題謝少卿藥園二首

朱熹

謝公種藥地窈窕青山阿青山固不羣花藥亦婆娑一

掇召沖氣三掇散沉疴先生澹無事端居味天和老木
百年姿對立方差峩持此供日夕不樂復如何

小儒忝師訓迷謬失其方一為狂醒病望道空茫茫頗
聞山東園芝术緣高岡瘡聾百不治効在一探囊再拜
藥園翁何以起膏肓

賦王嘉叟天台橫卷二首

翩然乘孤鶴往至蒼崖顛上有桂樹林下有清冷淵洗
心詠太素汎景窺靈詮棲身託歲暮畢此巖中緣

山空四無人澗樹生涼秋杖策忘所適水木娛清幽散
髮塵外飈濯足清瑤流靜嘯長林內舉翮仍丹丘

送司馬季思通守洪檄天台二首

謝 伋

靜聽天台事茲行毋憚勞水和青嶼出霞起赤城高佛
寺炊烏飯仙宮壓白醪奉符須少緩處處可遊遨

靈石山頭路君應訪藥寮竹陰千箇密松色數章喬季
弟方從政孤僧伴采樵為言心已往不待楚詞招

送孫仲舉徽猷罷郡造朝

四月維夏天未暑天台居民逃室處城中屢貴巷陌喧
城外號奴去村墅老癃扶杖少者趨夫棄禾麻婦投杼
肩隨足躡似同謀色沮聲低咸偶語使君高車挽不止
誰其嗣之保閭里攀轅卧轍豈留行遮道填門寧足恃
三江阻隔江水深莫使江頭有船艤我聞此語良足聽
呼使來前陳本始吾州使君能靜治千里無虞安獄市
澄之不清擾不濁盡道使君心似水昔襦不足今袴餘

良藥千金補瘡痏黃屋近駐錢塘城願說政平并訟理
從今更借二三年增秩賜金書用璽我言此語爾未思
有大於此爾何知入為三公自故事天台美稱公是宜
德澤但可施一州潤及九里寧獨私携持却看祖道盛
送車百兩多旌麾爭先勸飲接慰勤玉酒湛湛皆盈卮
使君千觴亦未醉更聽小儒前致詞嗟予待次七閩郡
法式規摹知吏師忘年屈勢待我厚歲月易得今再期
送公去郡情更惡人送作郡知何時

此世說襄陽羅友事

過晁使君子莫園有感

一丘臚臚占岡原。負隅鹿寰息世喧。
牆屋竭來營勝地，籃輿不復羨高軒。
當年松菊淵明宅，此日蓬蒿仲蔚園。
奠冢成泥有遺愛，懷人誰為雪沉冤。

晁令美
園中

瑞巖夜聞聲有感

李端民

蒼官環合碧崔嵬，風動空山隱轉雷。
逸響已隨天籟發，餘音猶和玉琴哀。
夜闌誰辨龍蛇勢，歲久俱為棟柱材。
擬欲尋聲問盧老，耳根清淨了無猜。

題上方壁

寓居蕭寺便為家
問舍求田事未涯
平昔孤踪猶可表
少年豪氣不須誇
雪消野徑生春薺
風動荒林噪晚鴉
極目悠然千里思
祇將詩句傲煙霞

留題淨應寺

方床藤枕夢蘧蘧
睡足高堂樂有餘
茶乳泛甌香篆息
明窓重理讀殘書

登巾子山有懷舊遊

王衡

路轉峩羌瞰古城，闌干曲處眼偏明。
嵐光不與江流斷涼意，還從竹外生。
好事樽罍初不減，舊題歲月已堪驚。
會須更待天邊月，醉看浮圖波面橫。

題天台明巖

自古懸崖深蔽日，此心圓鏡本無塵。
會知明暗非闕石，便是巖中得道人。
昔號暗岩錢氏改今名

致仕後寄白蓮然公

晁說之

僧衣換却朝衣盡，知悔知非恐不任。
磬韻應憐持課罷，

香銷當識坐禪深芭蕉庭下三身正蟋蟀床頭百慮侵
憶我白蓮菴裏士幾年消息亦沉沉

然公發人自天台來不以烏藥見寄

石橋不得往烏藥不寄米空令圖畫裏指點說天台

憶天台東掖然老

然公嗟契闊海岳阻招攜白法歸龍樹清談落虎溪著
書非草具傳業謾私題歲暮茆楹客臨文處處迷

月夕

陸游

我昔隱天台，夜半遊句曲。
弄月過垂虹，萬頃一片玉煙。
艇起羨唱水，風吹釣絲更。
欲小徙，倚恐失初平。
期今年遊青城，三十六峰巒。
白雲反在下，使我毛骨寒。
天如玻瓈鍾倒覆，濕銀海素壁。
行其間，草木盡光彩。
姮娥顧我笑，手撫玉兔兒。
莫恠世人生白髮，秋風桂老欲無枝。

夜行至平羌憇大悲院

憶昨遊天台，夜投石橋宿。
水聲亂，人語炬火散。
山谷穿

林有驚鶻截道多奔鹿今夕復何夕此境忽在目蒼茫
陂十里清淺盤數曲微霜結裘茸落葉拂帽屋下馬憇
郵寺頹然睡清熟覺來窓已白殘燈猶煜煜

青城山一
名亦城而當大

天台之赤城乃予舊遊

題元使君郡圃十二詩

李庚

元公來把麾與民脫水厄當時游息地危亭冠州宅梁
棟宿寒雲去天繞一握尚餘手種木甘棠思邵伯

台州
當大

水之餘元章簡公作民居數千區甓城置堰至今為利見本傳

右參雲亭

吾州山水窟城郭擁寒綠戢戢羣峰間峙此一雙玉相對如佳賓可敬不可瀆空翠撲衣裳夜來雨新沐

右雙巖堂

亭亭玉霄峰列仙皆羽化把酒碧桃間吹簫明月下嗟我落塵凡鶴背應難跨夫子真癯儒好上班麟駕

右玉霄亭

新亭方半丈衆山之所宗慳容半窓月劣受一簾風旁

人笑老子游戲如兒童亂峰徒頹頏不與汝爭雄

右匿峯亭

孫綽賦天台俾人以圖至公今身見之情親心更醉坐
想復行吟商頌得十二寄語范榮期金聲重擲地

右凝思齋

青山如避世豈肯詣公府仁人如好賢招邀入庭戶柱

笏對朝氣卷簾當暮雨此堂面西是中有佳趣莫與兒輩語

右樂山堂

彼美東堂下方池誰鑿成蕭侯慨不見亦足窺典型湛
湛魚可數帖帖鷗不驚此心有如水通國號神明

右清平閣

文簡為州時不求赫赫譽

畢文簡公嘗語人曰僕仕宦無赫赫之譽但力自規檢庶

過爾幾寡溫恭君子儒豈弟民父母黃堂能幾年清風藹平

古顧公踵前修持此相明主

右君子堂

海邦本淳古山民亦穎蒙汝不探赤丸我無為鋟筭熙

熙樵與牧鵠
鵠春風中何必師齊
相虛堂舍益公

右靜鎮堂

赤城古洞天形霞照山谷爛爛丸光垂餘輝
借草木伊予有痼疾企望常不足待與馬練師耘芝灌松竹

右霞起堂

吏散長廊靜杖藜巾一幅只圖寬眼界不管窮腳力野水露微灣寒山出寸碧待拍洪崖肩蓬萊直咫尺

右駐目亭

吾愛巴揚州夜不然官燭吾愛陽道州日炊米二斛使
君美無度力蹈前賢躅宜爾海雲邊十萬戶蒙福

右節愛堂

題寧海瀛巖

亡名氏

溫台萬丘壑走徧成重眠佳山落床頭咫尺反不知我
聞野老說山乃神石移蓬萊本三峰一峰今失之上千
雲霓秀下巒崿背欹夜半見海日紫暉開咸池魑魅著
老木狂鼯向人啼危亭無遺棟絕壁無舊題夫子勇過

我竦身敢獨躋我病不能從夢寐常追隨秋風海上来
霜清鱸正肥行尋越溪鞅肅此世塵鞭

題司馬悔橋

在天台新昌二境間

亡名氏

道書司馬悔福地在天台茲山秀盤古億載青崖嵬如
何越中志紀載殊未該浪云唐子微曾過茲橋來奉詔
悔輕出欲勒俗駕回至今名字存脩梁架岩隈圖牒已
大戾土俗尤踈哉以悔名茲橋大字標板碑流傳愈訛
舛雲笈君試開

題潘幾道果亭

城西車門故居

羅適

行盡城西路為君登果亭無雲生碧落看日出滄溟遂
影成何事負道全我形交情長在目隔岸數峰青

題金鰲山善濟院

亡名氏

黃帽當年駕舳艤東浮鯨海出三吳中興事業風波惡
好作君王坐右圖

題國清寺清音亭

林憲

水從東塔來却打西澗過八萬四千偈為我細說破困

來石上眠夢繞泉石間山鬼按玉徽山靈鏗佩環

浮江探梅

清遊可以愈宿疾梅花自能來好人嗅花徐步沙磧裏
天風液液回三春

梁源異松圖行為台州趙別駕作

亡名氏

座中忽覺林樾幽怪松隨前驚兩眸孤根蟠錯湧鱗鬪
百幹奮躍紛戈矛千歲之柯海波捲十畝之陰嵐靄浮

上雲變幻舞鸞鵠下風哮吼搏蛟虬影入月窟兔縮距
聲撼水府鯨棹頭初夏花黃醍醐結四時芽蕊紺綠抽
噓晴啜雨莽奇恠搖山盪海寒颼颶天開地闢何日種
陰慘陽舒謾神搜鄉閭諷誦喜輒應僧伽護愛訶不休
得非孔明廟前銅柯栢元氣淋漓鍾此夫焉瘦得非道
者庵邊隔世植萬本倫魁飛來排幹子交樛安得此松
據此地輪囷傲蹇無侶儔我嘗兩賦羅漢樹詩人許我
不但楊與尤一在天台匿峰千嶺頂託覆方廣之寺瀑

布流一與郡治參雲亭對峙白猿啼蹶忽驚紫鳳留因
知三台氣忠厚何但當代人材優至於樹木亦豪偉歲
寒動是光林丘間諸故老考初始或云五季方栽培黃
宋惡跡寺傍廟野僧無知但包羞又云道人梁君隱唐
末建立鼎龕結茅深巖陬與二道伴王與白赤鉛紫汞
火候卦氣周千日丹成各昇舉捨菴為寺答應求後人
誕謾附名號妄蹤狂躅何悠悠當時丹氣蒸山一鄉植
物茂丹液入根獨此偃蓋稠勢蟠形踞抱龍虎梢圓葉

厚綴球旒詫民曾却白額獸供桃時下青茸猴四百餘年
頗靈異圖經不載記不收賢哉趙公眼高遠褒貶萬態
如春秋一見指呼韋偃輩咄嗟而辨造化侔竭囊底智
老我語搜攬造化正恐神鬼愁

留題桐栢石道師妙聲堂次曾使君韻

石延慶

字光錫
新昌人

一派奔湍響迅雷噴雲翻雪繞瓊臺應通天上銀潢路
準擬乘槎八月來

題蒼嶺

徐似道

看山每恨眼不飽上馬豈知程可貪還我一筇雙不借
緩從雲北過雲南

送趙幾道赴天台錄事

薛師石

廳前綆汲何從來清流海底通九垓天河地脉隱旋轉
上中下井躔三台滿城桃花二儂種方廣金殿三門開
一時會上幾許人若匪佛種應仙才子公徒知高其問
豈識大化非胚胎今茲送言有深意詩規筆誨紛崔嵬

傳說星明定入夢方朔跡穢空諧詁不昵不阿予與汝
古交淡淡無嫌猜

重建神秀樓追和忠定公韻

趙必願

字立夫

維茲城南樓廢興端有時昔我忠定公樓成旋西歸拜
廳慚匪肖易麾繇好溪循環六十載烏兔驚梭飛吁嗟
古雉堞巨浸隳藩籬陶甓既還舊更妝如有期歲事喜
中稔度材授工師非敢侈輪奐聊爾遵先規江山展圖
畫欄檻倚晴暉肯堂久在念今我身則夷遼鶴去不返

遺墨猶淋漓一時賸篇詠皆表而出之登眺惟疇昔未
覺此舉非落成燈火夜萬點天星移潮生月在浦酒闌
風滿衣幸繼前人躅敬和前人詞斯樓儻不朽庶慰蒸
湘悲

次韻

趙汝遇

峩峩城南樓締創知幾時樓前中津水潮來復潮歸眷
此雲海區襟帶東西溪圖謀考往事杳杳孤鴻飛傳聞
昔蕪城陋若枳棘籬鼎新賴宗袞欲與千年期紀事屬

東萊字字皆吾師甲子甫一周孫枝繼成規壁壘訪遺
蹟闌干納餘暉農隙既閒暇溟波日平夷班春布寬大
諭俗無澆漓喬木有世臣惟有乃似之此段信竒事今
昨何是非指顧舊觀還略不煩文移落成當元夜月華
流客衣前作信高韻新篇實英詞却笑峴山語登臨何
足悲

題蓋竹洞

唐仲友

籃輿東出初雨收衆山卷霧奔蒼虬麥田幪幪連千疇

去年見種今有秋農家椀大即快活使君不去能無羞
春光欲盡誰挽留千林薿薿新綠柔桐花遠近澹無思
自開自落那闕惄洞天為我暫晴色使我蠟屐窮冥搜
天門發秀萬馬下水口離立羣峰稠瀑泉對面瀉絕壁
寶劍却倚丹鳳樓溪聲噴薄雷震動石色古怪神剜鍛
洞門呀哈風颶颶香爐峰下蛟龍湫中岑特秀小為貴
左右旌節森戈矛幾年祕奧一日睹談笑指示君知不
精廬但欲占勝處聞事棟宇非良謀飛廊跨水納佳氣

突兀殿堂居上頭軒輊高下有奇致洗滌肺腑明雙眸
我將於此棲羽流鳳笙鶴駕應來遊丹成一舉凌九州
下視濁世如浮沤靈祠款謁路阻脩眉巖傾澗邃且幽
經營輪奐亦未就揮金爾助無須求晚雲漠漠鳴雨鳩
僕痛泥滑我欲休虹橋列炬趣歸騎城鼓已報初更籌
追攀別乘聊復爾乘興何如王子猷習池不為倒載去
兒童不用拍手攔街謳

次韻仲舉知府徵猷勸農出郊 成大亨

鶴蓋羣山曉熊旂愛日明萬夫觀擁路千耦勸深耕江熟漁歌闊山豐社鼓聲老農醉酺飲鼓舞暮歸情

宿枕峰寺懷舅氏有作

趙汝謙

字端中

野竹有慈性叢生不相離永懷寒泉感昨與渭陽期寺閣共秋晚山雲獨移時尚想談論間丹顴映雪鬢氣豪機事少所嗜平生詩起居今何如會合渺難知霜清雁蕩骨春謁天台姿混融入老筆遠寄江湖思

題洪景伯通判清閟堂

陳知柔

別乘清名滿世間却來堂下植檀欒已無俗物敗人意
且與此君同歲寒夜月半庭金影碎秋風一枕玉聲殘
鴈行吏退鈴齋靜想見巍冠獨倚闌

辭靈康廟留題

時赴湖北憲

劉坦之

木落天高廟安靈去來潮汐繞山青年登民俗饒怡樂
海近蛟虬入杳冥萬里一身頭既白清樽三奠德惟馨
出門更合燒沈炷青草連雲接洞庭

題林景思雪巢二首

道全

不嫌茆把蓋頭低為愛平簷野雪迷自與蘆花夢明月

高寒空悵鶴來棲

田地虛明不受塵巢中人是箇中人勿言一色渾無迹
月到梅梢亦轉身

題寶嚴寺

道全

出郭二十里過山三四村竹深疑有寺路僻不知門萬
木辭窮臘三峰佔落曛靈源正脈在慚愧有雲孫

題天封寺

慧明

華頂當空出雲霞宿殿庭八荒同納納一氣轉冥冥日
馭經櫨過天河俯檻聽長年苔徑合無客到嵒局

郡帑既刊續集別編五卷矣踰年復得若干首儲

閑

第六寫凡前修題賦天台見於策牘得之傳聞者即
汝采靡遺因告諸太守宗丞吏部嘉未張侯忻然命
工并赤城集末後閑卷接續刊刻於是二書皆得行
世實侯力也庚戌夏五林表民書



天台續集別編卷六